

Di grischun tar il final naziunal

Gion Nutegn Stgier/FMR

Grond success per tiradurs e tiraduras tar il final svizzer da gruppas a Winterthur. Trais gruppas èn sa qualifitgadas per l'occurrènz finala ed tuttas trais gruppas han fatg in plaz da podest. Duas gruppas èn lura daventadas campiunessas svizras.

Grond success per tiradurs e tiraduras tar il final svizzer da gruppas a Winterthur. Trais gruppas èn sa qualifitgadas per la concurrènza finala e tuttas trais gruppas han fatg in plaz da podest. Duas gruppas èn lura daventadas campiunessas svizras.

Il final svizzer dal tir da gruppas è adina la culminaziun da la stagiun da tir. Qualifitga-

das per quel èn stadas las pli fermas 64 gruppas da l'entira Svizra. Quellas gruppas han già tratg ferm èn las trais prerundas svizras e grazia lur resultats excellents cuntanschè il final naziunal. Gì lieu ha quel sonda passada a Winterthur.

Il Grischun è stà represchentà cun tschintg gruppas. En il champ A era quai Favugn, en il champ D eran quai Bregaglia, Giuvaulta e Tumeagl ed en il champ E Schiers/Aschera. En il final è vegnì tratg en tuts trais champs in quart final, in mez final ed in final. Già suenter il quart final è l'occurrènza stada a fin per las gruppas da Favugn e da la Bregaglia.

Trais trumpfs grischuns

Las gruppas da Giuvaulta e Tumeagl èn partidas omadus en l'occurrènza sco favoritas per far ina medaglia, gea schizunt per

gudagnar il final. A la gruppas da Giuvaulta è quai reussì già il 2019 ed il 2021. La gruppas da Tumeagl era stada fin ussa già trais giadas vicecampiunessas svizras, la davosa giada avant in onn. Finalmain ha il quintet da Tumeagl gudagnà il final e vegnì campion svizzer. La gruppas cun Norbert Caviezel, Theo Caviezel, Urs Nauli, Hermann Sgier e Miguel Sgier ha fatg in resultat da 713 puncts, tschintg puncts dapli che la gruppas Ägerital-Morgarten, la victura da l'onn passà. La gruppas da Giuvaulta cun Carl Frischknecht, Dirk Frischknecht, Mauro Ardüser, Kevin Plaz e Silvia Plaz ha cumpletà il podest e cuntanschè, sco già avant in onn, «be» il terz post e quai grazia a ses 704 puncts. Per la pli gronda surpraisa en il final ha lura procurà la gruppas da Schiers/Aschera. Ella è partida en l'occurrènza senza grondas ambiziuns e schizunt cun duas tiraduras da reserva enstagl la furmaziun originala. Las trais tiraduras Marina Imhof, Mirjam Engelhardt-Hartmann e Desirée Hartmann e bab e figl Bruno e Livio Tschärner han tratg fitg constant en tuttas trais rundas. A la fin ha la gruppas dal Partenz gudagnà aur grazia a ses resultat da 688 puncts. Tratg excellent per Schiers/Aschera ha cuntanz Livio Tschärner, cun 13 onns il pli giuven da 320 participants e participants. Segunda è vegnida la gruppas da Thun cun 687 puncts e la gruppas d'Ibach sco terza ha obtegnì 686 puncts. In vair di grischun a Winterthur cun ir a fin quel cun trais medaglias per tiradurs e tiraduras da noss chantun.



Plaz da podest per la gruppas da Giuvaulta (da san.): Kevin Plaz, Silvia Plaz, Carl Frischknecht, Dirk Frischknecht e Mauro Ardüser.

Foto Gion Nutegn Stgier

PASS DIGL ALVRA

6800 persungas agl slowUp

Dumengia passada ò già li per la 17avla gèda igl slowUp tranter La Punt e Filisour. Chegl monta tg'igl Pass digl Alvra vign saro per tot igl traffic motoriso e stat a disposiziun sulettamaintg a velocipedists, viandantas, skaters e persungas cun skis rullonts. Scu tg'igls responsabels dall'Uniu slowUp Mountain Albula screivan ainten ena comunicaziun ins seia fitg cuntaint cun l'occurrènza da chest onn, betg igl davos perveia d'en nov record da participantas e participants. Var 6800 persungas da tottas generaziuns èn sa radunadas la dumengia sen igl Pass digl Alvra. Igl proxim slowUp segl Alvra ò li igls 1. da settember 2024. (cdm/fmr)



Impressiun digl slowUp 2023 sur igl Pass digl Alvra cun var 6800 participantas e participants.

Foto Gabriela Riedi